



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 55. Valentiniani III. Fata. Maximus & Avitus Imperatores.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V.

§. LV.

A. C. 455.

Valentiniani III. fata. Maximus, & Avitus, Imperatores.

*Chr. Prosp.
Idac. Marc.
Chr. Pasch.*

*Cassiodor.
Vid. Evagr.
II. c. 7. Pro-
cop. I. Va-
dal. c. 4.*

Interea Romæ Respublica evertēbatur. Cum Imperator Valentinianus, & Aetius dissiderent, perfidis artibus Patricii Maximi, & Heraclii Eunuichi, qui Imperatoris animum sibi habebat obnoxium, effectum est, ut in aperta jurgia prorumperent, utrique funesta; nam Imperator Aetii iracundiam antevertendi consilium cepit. Igitur illis diebus, quæ sibi promissa fuerant, importunissime postulantes Valentinianus sua manu in suo Palatio interemit. Verum Maximus, cujus uxori Valentinianus, adhibita vi, illuserat, infamiam non ferens, Aetii amicorum opera usus (hos enim imprudens a suis lateribus non removerat) Principi perniciem paravit; Romæ in campo Martis ambulantes, & sui fecerunt oppresserunt. Duo ex conjuratis facinus ausi sunt, & nemo fuit, qui moveret manum, ut Domini sui vitam servaret. Dies agebatur vigesima septima Martii anni 455. Hic Valentiniani III. Imperatoris, ex Magni Theodosii Genere ultimi, exitus fuit. Annos vitæ triginta sex, & Imperii ferme triginta n̄merabat.

Idac. Chr.

Illic

Illico Maximus Imperator proclama- Sæculum V.
 tur. Is ex Patriciorum ordine, etiam A. C. 455.
 bis Consulatum gesserat, ex Genere Ma-
 ximi, qui sub Magno Theodosio Impe- Maximus
 rium invaserat, ortus. Cum viduus es- Imperator.
 set, Eudoxiam, Valentiniani occisi ux-
 orem, coegit ad nuptias; postquam vero
 illa comperisset, Maximum necis, Mari-
 to suo illatæ, Auctorem esse, furore
 amens, in Africam misit, qui Genserico,
 Vandalorum Regi, dona magna fer-
 rent, & ut Romam cum exercitu veni-
 ret, invitavit, quam Urbem facile in po-
 testatem redigeret. Gensericus venire
 non distulit, & prævolante fama, multi
 ex Nobilium ordine, & de populo ex
 urbe fugerant. Ipse Maximus fugam pa-
 rabat, omnibus, qui vellent, Roma exce-
 dendi licentiam faciens. Verum hæc
 ipsa vecordia exitium attulit, nam ante-
 quam evasisset, quidam Valentiniani Im-
 peratoris amici cunctantem occupant,
 interficiunt, corpus truncant, & mem-
 bra in Tyberim projiciunt. Hæc Cæ-
 des die septuagesima septima Regni ejus,
 duodecima Junii, anno 455. peracta.

Post triduum Gensericus adest, nemi- *Prosp. Chr.*
 ne ingressum prohibente. S. Leo Papa
 extra portas obviam processit, & summis
 precibus obtinuit, ut sola direptione con-
 tentus, ab incendiis, & cædibus abstine-
 ret, nec quemquam ultimo supplicio ple-
 cteret.

Sæculum V. A. C. 455.
Procop. I.
Van. c. 5.
 Atret. Itaque Roma a Genferici militibus per quatuordecim omnino dies liberrime expilatur. Rerum pretiosarum vis ingens ablata, & inter alia Vasa illa Sacra, quæ Titus Jerosolyma advexerat. Captivorum multa millia abducta. Eudoxia Imperatrix, quæ Genfericum vocaverat, cum filiabus Eudocia, & Placidia Carthaginem transvecta. Genfericus Eudociam Hunerico filio suo nuptui dedit, atque haud multo post Placidiam cum Imperatrice Matre sua Constantino-polim misit.

Vitt. Chr. Tribus non integris mensibus post Romæ direptionem, Avitus in Gallia, Prætorio Præfectus, quem Maximus Magistrum militiæ constituerat, Imperator salutatur: Anno sequenti 456. Joanne, & Varano Consulibus, cum in Italiam venisset, a Ricimero victus, Episcopus Placentinus ordinatus, & non multo post vita functus est.

§. LVI.

S. Prosperi obitus.

Vitt. Præf. in Cycl. Sup. XXVI §. 24.
 Hac rerum mutatione, & Romæ direptione narrata, S. Prosperi Chronicum, Valentiniano octavo cum Anthemio consule, id est, anno 455. clauditur. S. Prosper haud multo post, & ante annum 457. e vivis abiit. Præter illa opera, quæ superius memoravimus, Poema de